



UNIVERSITÄTS-
BIBLIOTHEK
PADERBORN

Universitätsbibliothek Paderborn

Nucleus Coppensteinivus Conceptuum Prædicabilium In Dominicas Festaqve omnia per Annum

Coppenstein, Johann Andreas

Mogvntiæ, 1624

In F. S. Mariæ Magdalenæ. Ecce mulier, quæ erat in ciuitate peccatrix.
Luc. 7.

[urn:nbn:de:hbz:466:1-51556](https://nbn-resolving.org/urn:nbn:de:hbz:466:1-51556)

cum vidisset Elias, operuit vultum suum pallio: q. d. iam aliud videre nolo: sat, vidisse Deum. Ita S. Bened. Hinc contemptus mundi, appetitus cœli.

Scientia prophetica. Hinc diuiniore scientia infusa illi magis, quam acquisita. Quid enim latuit S. Bened? Sap. 3. Scit præterita & defuturis aestimat. Scit versutias sermonum, & dissolutiones argumentorum: Signa & monstra scitante, quam fiat, & euentus temporum, & seculorum. 1. Ecce: Offerendum ipsi vinum datum puer reseruât: monet yir S. ne bibat latere serpentem: bibit, perit. 2. Alias panem venenatum oblatum agnouit, coruoque dedit in deserto ferendum. 3. Fratribus petram ostendit: fodite, ait: & fluent vndæ. Factum.

Scientia obmunditiam. Nec sapientia minor ei mysteriorum: Nimirum, quia mundissimus erat. Matt. 5. Beati mundo corde, quoniam ipsi Deum videbunt. Lippi oculis solum mundum vident. Munditiæ conscientia dabat sponsæ confidentiam, vt auderet: Cant. 1. Ostuletur me osculo oris sui. q. d. amore languo & emoriar, nisi sic recreer ipsemet, qui osculum est & mera consolatio. O amor, ô honor perfectæ animæ.

Dei contemptum. Ioabo intercedenti pro exule Absolone ait Dauid: 2. Reg. 14. Reuertatur in Ierusalem, sed faciem meam non videat. Ita peccator conuersus: Sed pœna illa, ei per magna videri debet, ceu Absoloni pulcro: cui sit viuere, faciem patris contemplando videre.

Deinde uentem. Hæc visio accendit torpidos. Vti 3. Reg. 6. Senuerat Dauid, & quæsierunt ei adolefcentulæ speciosam qua dormiret cum eo, & calefaceret. Puella cœli est contemplatio, & Ecce, Psal. 38. In meditatione mea exardescet ignis. Sed, Gen. 41. Ioseph prius genuit Manassen i. terrenorum obliuionem; dein Ephraim, i. sanctificationem per contemplationem. Ita cœpit, ita profecit, ita se perfecit S. Benedictus.

IN F. S. MARIE MAGDALENÆ.

Ecce mulier, quæ erat in ciuitate peccatrix. Luc. 7.

Mulier, Apo. 17. ostro, auro, gemmisq; superba cum poculo aureo, dementatore populorum, adorata ab Principibus, tropæum posuit impudentiæ, dicta Mater fornicationum & abominationum. Talis Magdalena peccatrix dicta.

Qua denos

- I. Quanta vis lacrymarum fiet.
- II. Cuius Magdalena, & quæ fuerint peccata?
- III. Eius peccatorum grauitas ex genere ipso, & loco.
- IV. Magd. initium, & porro calcar pœnitentiæ.
- V. De Magdalena statione retro, & pedum lauacro.
- VI. De causis, & pretio lacrymarum.

P A R S I.

Quanta sit vis lacrymarum.

I. **A**ngelis exterminatoribus, Eze. 9. Sunt nota Prædestinationis. mandatam: Ite perciuit. Ieruf. & signant in medio Ieruf. 1. Vnde Doctores notant, pœnitentiæ lacrymas veras esse prædestinationis notas. 2. Mat. 5. Beati, qui lugent, quoniam ipsi consolabuntur.

Alia mundi iudicia sunt, exosæ ei lacrymæ, chari ioci, ludi, honores, &c. Pf. 143. Beatum dixerunt populum, cui hæc sunt, sed dispares vtriusque euentus sunt. 1. Nabuchodonosor, Da. 3. Babylonios oblectat varia musica, qua audita proni adorent statuam: eam execrantes iniicit fornaci. Ita mundus amat illos, hos odit, infestat. 2. Israelitæ in Babylonia ab incolis ad ludicra incitari nequieunt, dicentes. Pf. 136. Quomodo cæt abimus cæticiū Domini in

terra aliena? Quin superflu. Bab. illic sedimus & stenuimus; de salicibus suspendimus organa nostra. Ita Dei filij hic exules stent, dum recordantur tui Sion.

2. Deum cogunt. II. Felices lacrymæ! Nam, Hiero. in Isa. Oratio Deum lenit; sed lacryma cogit: hæc yngit, illa pungit. Fatetur id sponsa, Cant. 4. Vulnerasti me in vno oculorum tuorum illicio lacrymulæ vnius. Vulnerasti; quia ait Ambr. in Luc. Lacrymæ veniam non postulant; sed merentur: preces postulant.

Impinguant orationem. Greg. hom. 7. in Ezech. & in Psalm. 19. Holocaustum tuum pinguescat, ait: Holocaustum siccum est bonum opus, quod orationis lacrymæ non insundunt: Holocaustum pingue est; quando hoc, quod bene agitur, corde humili etiam per lacrymas irrigatur. Hinc Deo fidenter Psaltes, 55. Posuisti lacrymas meas in conspectu tuo.

Angelos pascunt. Enimvero, Ber. ser. 30. in Cant. Lacrymæ penitentium vinum sunt Angelorum: quia in illis odor vitæ, sapor gratiæ, gustus indulgentiæ, sanitas redeuntis innocentia, reconciliatio nis iucunditas, & serena conscientia suauitas.

Cibant animas & lauant ut purgatorium. III. Cassiodorus in hoc Psal. 41. Fuerunt mihi lacrymæ meæ panes die ac nocte, ait: Fletus est cibus animarum, corroboratio sensuum, absolutio peccatorum, refectio mentium, lauacrum in baptisum. 1. Ideo Isa. 1. Lauamini, & mundi estote. 2. Chryf. ho. 5. de poen. Lauabo per sin. no. le. m. ait David: ut ostendat esse lauacrum & purgatorium peccati lacrymas.

Diluuiū. 3. Quodque amplius Greg. Náz. Iustorum lacrymæ, ait, diluuium sunt, & mundi piamentum. 4. Ideo Psaltes 73. Contribulasti capita draconum in aquis: id est, peccatum orig. in Baptismo. Patrum quidam exponunt: Alij, peccata in lacrymis submersisti.

Ut mare rubrum. Ita Pharaon cum Aegyptiis in mari rubro submersi, Exo. 14. periit: sed emerse re Israelitæ. Lacrymis merguntur peccata, peccatores emergunt; quibus, Moyses,

imo Messias præit. Vnde S. Chry. ho. 15. in Matth. confert lacrymarum vim in pecc. actualia; & Baptismi, in pecc. orig.

Aquæ medicæ, mirificæque è floribus, plantis, mineralibus elicita vim habent variam, & magnam: at nil ad lacrymas. Nam nec maria omnia vel scintillam purgatorij extinguerent: extinguit gutta lacrymæ; atrumque dealbat carbonem. Liquet in Magdalena; quæ qualis? at per lacrymas quales? Ecce mulier.

P A R S II.

Cuius Magdalena, & quæ fuerint peccata.

I. Ecce mulier peccatrix: Tribus omnibus edicta Aug. trac. 49. in Ioan. vocat publicam famosamque peccatricem: S. Chryf. ho. 61. in Ioan. Hiero. in Matth. 26. Iud. 1. Epist. 142. meretricem.

At non videtur triuialis fuisse lupa: sed multum tamen obnoxia mula. Idque, vt Iansenio placet, post defunctum maritum in Galilæa. Nec quo indulgere posset genio; se ab Marthæ & Lazari increpantium eam subduxit contubernio in castellum Bethaniæ. Quid quod nec Marthæ, Lazarique soror fuerit? Ita non paucis sentiant.

Adfuntque rationes. 1. Lazarus, Bethaniæ toparcha, Vir illustris, frater Marthæ, Iudææ, haud permisisset tanti stigmatis feeminam eo prouere probri publici.

2. M. Magdalena è Galilæa cum aliis secuta Dominum feeminis eum alentibus: Matt. 17. Erat ergo è Galilæa, non ex Iudæa, vt soror Lazari Maria.

3. Luc. 8. Dicitur Ma. Magd. habuisse 7. dæmonia: at cum tali vulgariter consuevit se viros, non fit probabile.

4. Magd. Dominum secuta alebat: at si ea tam fuisset propudiosa, Domino indecens & suspectum accidisset, talem circum-

cumducere. An non etiam Apostoli, Ioa. 4. mirabantur, quia cum muliere loquebatur? An non & Simon scandalizabatur ad Magdalene attactum? Luc. 7. Hic si esset Propheta, sciret utique quæ & qualis est mulier, quæ tangit cum; quia peccatrix est.

5. Illa peccatrix erat externa ethnica: non ergo soror Lazari Iudæi. Iudæis enim lege non licebat meretricari. Deut. 23. Non erit meretrix de filiabus Israel.

6. Ita sentiunt, Orig. tract. 25. in Matth. Chrysoft. hom. 81. in Matth. Hiero. in Matth. 26.

Aug. vero tract. 49. in Ioan. dubitat, uti & S. Bern.

Magd. duæ. Euangelium vero inter hæc duas Magd. reuera non distinguit.

Quare honestæ Magdalene typus fuit illa Apoc. 12. mulier xii. stellis coronata virtutum omnium, & sole famæ amicta. At peccatricis typus illa, Apoc. 17. vitiiis xii. coronata.

De peccatricis Vita. II. 1. Est superbia. Eccles. 25. Mulier si primatum habeat in domo, contraria est viro suo. Ideo, Deut. 22. vetatur, ne fœmina veste virili induatur. 2. Est odium. Prou. 30. Per tria mouetur terra; & quartum, quod non potest sustinere, scilicet per odiosam mulierem. 3. Ambitio & Concupiscentia. Zach. 5. Ecce due mulieres egredientes: & habebant alas milui natura rapacis.

4. Luxuria. Ier. 2. In omni colle sublimi, & sub omni ligno frondoso prosternebaris tu meretrix. 5. Ebrietas. Eccl. 25. Mulier ebriosa, iramagna, & contumelia, & turpitudine illius non contegetur. 6. Vociferatio. Prou. 9. Mulier stulta & clamosa, plenaque illecebris, nihil omnino sciens, sedet in foribus domus suæ super sellam, in excelso vrbi loco, ut vocet transeuntes per viam.

7. Crudelitas. Eccl. 25. Nequitia mulieris immutat faciem eius, & occæcat vultum suum tamquæ vrsus. &c. Commorari leoni &

draconi placebit, quam habitare cum muliere nequam. 8. Impudentia. Ier. 3. Frons mulieris meretricis facta est tibi, noluisi erubescere.

9. Fraudulentia. Prou. 5. Ne intenderis fallacie mulieris: fauus enim distillans labia meretricis, & nitidius oleo guttur eius: nonisima autem illius quasi absinthium, & acuta lingua eius, quasi gladius biceps.

10. Inquietudo. Prou. 7. Garrula, & vaga, & quietis impatiens.

11. Stultitia. 1. Quam vel in capite præferunt per tot pegmata, & tæniæ tot gyris, nodis & modis paratas. Vt reuera is vertex sit stultitiæ apex. 2. Plane, Prou. 11. Circulus aureus in naribus suis, mulier pulchra & stulta. Et tales in fœminis sunt plures, quam sapientes. 3. Testes virgines fatuæ illæ decies mille.

12. Diadematis scortarij ornamentum est, infessio à damone. Luc. 13. Erat mulier habens Spiritum immundum: Tunc quidem vna illa: nunc sexcentas producere est: coronatas similiter peccatrici.

PARS III.

Peccatorum Magdalene grauitas ex genere, & loco.

I. N ciuitate peccatrix. Peccata eius, quatuor aggrauant. 1. Quia Carnalia. *Graviora peccata.* Quæ cateris habent, ut ait Greg. maiorem fæditatem, & Infamiam: quod alia solam mentem; hæc etiam corpus inquinant. Adeo, ea etiam mente priuant, ac hominè bestiis assimilant. Dauid fatetur se quasi cor amisisse. Psalm. 50. Cor mundum crea in me Deus. Isti, Luc. 14. modeste se excusant & honeste à nuptiis: at tertius inueniunt: *Quia Carnalia.* Vxorem duxi: non possum venire.

2. Quia Publica & notoria, ut in ciuitate, 2. Notoria.

Iiii 3 cunctis

cunctis scandalo, ideo grauiora. Nathan Dauidi: 2. Reg. 12. *Blasphemare fecisti nomen Domini. i. scandalizasti publice omnes, vt Dei & Regis maiestatem vilius penderent, quod Sauli, te meliori, regnum ablatum tibi dederit.*

3. *Multa.*

3. Quia plurima. Luc. 7. *Dimissa sunt ei peccata multa, quoniam dilexit multum.*

Multiplicatio peccata aggrauat. Quia 1. Gen. 12. *Clamor Sod. & Gom. multiplicatus est, & peccatum eorum aggrauatum est nimis. Id inde patet: quia læsum Numen ait: Gen. 18. Descendam, & videbo, vtrum clamorem, qui venit ad me, opere compleuerint.*

2. Plus lacrymis, quam verbis deplorat suam peccatorum multi. Dauid. Psal. 39. *Circumdederunt me mala, quorum non est numerus; comprehenderunt me iniquitates meae, & non potui vt viderem, multiplicata sunt super capillos capitis mei, & cor meum dereliquit me; bruto similitus. Moxque exclamat. Complacet tibi domine, vt eruas me: Domine ad adiuuandum me festina.*

4. *Varia.*

4. Quia omnia peccatorum genera in se suscepit: designatur 7. daemonijs ab ea expulsis. Mar. 16. Vbi S. Greg. *Quia 7. diebus omne tempus comprehenditur, recte septenario numero vitiorum vniuersitas designatur: & sic omnibus vitis plena fuit & infecta. Ideo generali nomine dicitur Peccatrix.*

11. Et quidem in ciuitate: Rom. 5. *Vbi abundauit peccatum, superabundauit & gratia. Et ita quidem, vt Marth. 26. Vbiunque predicatum fuerit hoc Euangelium in toto mundo, dicitur: quia H A E C fecit in memoriam eius. Ciuitatem eius infamia vix exijt, at fama poenitentis orbem peragravit, & æua tenet.*

Vrbes sunt peccatorum sedes.

In ciuitate: Hæc forte causa tot tantorumque lapsuum: quorum ansa in vrbibus quam pagis, plures. Ier. 51. *Fugite de medio Babylonis; vt saluet vauisquisque ani-*

nam suam. & c. Murus eius corruit. & c. ne forte mollescat cor vestrum, & timeatis auditum, qui auditur in terra.

Ea vrbica pericula 4. 1. Muri labascunt ipsaque munimina. 2. Ira Dei in vrbem prius, quam villas. 3. Vrbica mollities. 4. Anxia sollicitudo: lites, turbæ, ambitiones. & c. Quies in agro, in vrbe tumultus. Hinc 2. Cor. 11. *Periculis ex gentibus, periculis in ciuitate.*

III. Sunt peccata alia conclauium, alia ^{vrbana p.} domuum, alia vrbis: sed enormiora, sunt grauiora ^{vrbis p.} euidetiora, idque ob scandala, ^{vrbis p.} Turpe, tristeq; malū Infamia: Ecce, Luc. ^{vrbis p.} 16. Infamato dicitur: *Quid hoc audio de te? Es fabula vulgi. Proin, Psal. 31. Beati, quorum tecta sunt peccata: tantoque infeliciores, qui famiores; ni poenitentia obruatur infamia.*

In ciuitate; vbi plura honesti exempla, ^{1. Ob occasiones p.} plures, qui consulantur, docti; plura religionis exercitia: inter paganos, incultos vita licentior miranda foret minus. Ita. 1. *Quomodo facta est meretrix ciuitas fidelis, plena iudicij? Iustitia habitauit in ea; nunc autem homicida.*

Nec in ciuitate plura solum; sed & 3. ^{Ob facitatem deuitandi.} grauiora designantur delicta. Deut. 22. *Si puellam virginem desponderit vir, & inuenit eam aliquis in ciuitate, & concubuerit cum ea; educes virumque ad portam ciuitatis illius, & lapidibus obruentur. Puella; quia non clamauit cum esset in ciuitate: Vir, quia humiliavit uxorem proximi sui. Sin autem in agro reperit vir puellam, que desponsata est, & apprehendens cum ea concubuerit, ipse morietur solus, puella nil patietur, nec est causa mortis.*

Heu! vrbes, quæ virtutum esse palæstræ deberent, esse vitiorum prostibula? Hoc deplorat Sophonias. c. 3. *Desolata sunt ciuitates, à bonis, cum plene essent improborum.*

PARS

PARS IV.

Magdalene initium & porro calcar
pœnitentiæ.Mulier
pœnit.

I. **E**cce mulier, speculum pœnitentiæ, & dilectionis Domini: Virago: Prou. 31. *Mulierem fortem quis inueniet? Procul & de vlt. sin. pret eius. Qualis Iuditha. c. 14. Quæ fecit confusionem in domo Nabuchodonosor. De qua similiter admirabunde: Ecce, Holophernes iacet in terra, & caput eius non est in illo. Talis hæc.*

Cognitio
mali est in
iustitia boni.

Vt cognouit, Deum à se offensum, animam perditam, peccatorum foeditatem, inferni supplicium. & c. Vt cognouit, se ab uti donis Dei, honorem Dei, & suum se prodigere: Ecce, respuit ad pœnitentiam. Ergo cognitio mali fuit ipsi initium boni, 1. Ita Dei prima creaturarum fuit lux: Fiat lux. Inde cætera. 2. similiter in microcosmi reparatione Lux venit in mundum. 3. Ita Ps. 50. Amplius laua me Domine ab iniquit. mea, & à peccato meo mundame, quoniam peccatum meum ego COGNOSCO. tuamque patientiam. q. d. cæcus fui hætenus à peccandi furore. Ita hæc lymphata prius, nunc illuminata orat Ps. 142. Eripe me de inimicis meis Domine, ad te confugi.

Tanta abscis
procrasti-
natio.

Ergo Mat. 11. *Venite ad me omnes, qui laboratis. & c. Venit, & refecta fuit, 1. Non procrastinauit: vt Pharao, Exo. 8. infestatus à muscis, ranis, & c. rogauit à Moysè oraret Dominum pro se CRAS. 2. Quin Hodie si vocem eius audieritis. & c. 3. Samuel, 1. Reg. 2. illico surgit vt à Deo vocabatur. Loquere Domine, quia audit seruus tuus.*

Abscis ve-
luti an-
tipai.

Vt cognouit morbum, fugit ad medicum, non retardant eam mundi, carnifque Sirenes, aut canum latratus: non amasit, non pharisæorum metus: Solam audit conscientiam, Deum timet, Ps. 50.

Tibi soli peccaui & malum coram Te feci. Ah, non sic hodie multi peccatores, solos homines, non Deum verentur: vt Senes illi Sufannæ infidiatores, viso, ianuas horti claufas, exarsere in scelus.

II. *Vt primum cognouit, nil distulit in suis exteram noctem: Vt Nicodemus ex mulari tu. 1. Dedit locum stimulo. Ier. 1. Arguet te peccatis ad maliciatua, & auersio tua increpabit te. Ergo pœnit. se fugiens ad Dominum confugit. 2. sua ipsam peccata, vt Exo. 12. Urgebant Aegyptii populum Israel de terra exire velociter. Sic ipsa in peccatorem insurgunt peccata. 3. Ideo & redimendi in Redemptorem tam barbare insurgent: Matt. 27. Clamabāt: Si filius Dei est, descendat de cruce cui affixus tenetur: ita & animam tenet in tortura peccatum. 4. Sentit, qui ait. Psal. 50. Peccatum meum contra me est semper. Impellit nos ad sese eiiciendum.*

Vt cognouit Dei Dignitatem, & misericordiam, fugit ad pedes eius indigna, misericordia. 1. Duo sunt hominibus eximia amonris indicia: 1. Amici causa omnia aspernari: 2. Ardua audere. Vtrumq; in Magdal. reliquit factum, fucos, amafios, omnia. 2. Sicut ex flagrate domo omnia per fenestras eijciuntur: ita Magd. spreuit omnia, cum primum, Thre. 1. Deus de celo misit ignem in ossibus meis, & erudiuit me. Domus ardet, facessite torques, annuli, inaures, toralia, specula, armilla, pallæ, muscum, stibium: alia nunc cognouit.

Cognouit, Simonem leprosum mundatum, Chananæam à dæm. liberatam, Samaritanæ remissa adulteria, Hæmorrhoidiam persanatam: Inde sese desperare desuit; adque veram adspirare pœnitentiam.

III. *Vt cognouit: quatuor requisita præambula pœnitentiæ. 1. Actæ vitæ uisoria 4. discessio, & inuestigatio Christi. Cantic. 2. Surgam, & circumibo ciuitatem; queram, quem*

quem diligit anima mea. Vt Semei, 2. Reg. 19. postquam insigni Dauidē iniuria affecisset, captauit de in omnem modū eius. Sibi reconciliandi: Ita & Magd. vt cognouit.

3. Præparatio sui sufficiens post indagatam misericordiam; quæ dicat: *Pf. 118. Iuravi, & statui custodire legem tuam.* Ita Magd. obstinauerat animum ad omnia, quæ libi cunque à Domino forent impetranda: Statuit effundere alabastritem in Dominum, quicquid obmurmuraretur.

3. Pudor sui præeat: *Pfalm. 6. Conuertantur, & erubescant valde velociter de sua turpitudine, & Dei Maieſt. Magd. ideo retro secus pedes stabat: quia, vt cognouit.*

4. Humilitas perfecta sit pœnitentiæ prodroma. Nam initium omnis peccati superbia: Sic pœnitentiæ, humilitas. Hæc feruat, saluat, sicut è contra, *Nu. 11. Anima, quæ peccauerit per superbiam, peribit de populo suo, quoniam aduersus Deum rebellis fuit.*

P A R S V.

De Magd. Statione retro, & pedum lauacro.

Pœnitentiæ sor-ditatio.

I. *Stans retro* passis crinibus, suffusa lacrymis, vultu squalida, vt *Esther. c. 14.* Deum precatur cultum regium posuit, induit saccum, cinere conspersa caput. vt *Iudith c. 5.* amicta cilicio, incinerata, strata humi in cœlum clamans Holofernem obruncavit. 3. Sic, irato Deo obadoratum vitulum, ac comminante; *Exo. 33. Populus dura cervicis; semel ascendam in medio tui, & delebo te: iam depone ornatum tuum, vt sciam, quid faciam.* Et ilico *Deposuerunt vestimenta, & tetendit Moyses tabernaculum, & vocauit illud tabernaculum fœderis.* Peccatores festiue vestiti factum ponunt, & ponitiram Deus. *Fecit id Magd. stans retro.*

Huc eam peccata stiterant. Alioquin *Stat retro* iustos fert in oculis Deus. *Matth. 5. Beati peccator. mundo corde, quoniam ipsi Deum videbunt.* 2. At Moysi, commisso crimine, ait angelus, *Exod. 33. Posteriora mea videbis.* 3. Et Agnus qui sustulit in se peccata mundi, hoc se locat situ; ideo *Pfalm. 128. Supradorsum meum fabricauerunt peccatores stantes retro.* Ipse namque, *Isa. 53. Vere languores nostros ipse tulit, & iniquitates nostras ipse portauit vsque in Caluariam.*

Stans retro, quod nosset, Pf. 142. Non iustificabitur in conspectu tuo omnis viuens. Et *Pf. 33. Vultus Domini super facientes mala, vt perdat de terra memoriam eorum.* Ideo perhorrescens exclamat, *Pf. 30. Auerte faciem tuam à peccatis meis.*

Stans retro, vt Ipsum habeat mediatorē inter se ac Deum patrem. Ita *Pfalm. 83. Protector noster aspice Deus, & respice in faciem Christi tui.* Nam si iniquitates obseraueris Domine, quis sustinebit?

II. *Attulit alabastrum vnguenti.* 1. *Norat Malaboscclerum suorum terram memphisin, atque vel sic eam confitebatur: testans vel se se gratum esse, dare que odorem vite in vitam.* 1. Ideo Deus iussit, *Exo. 30. Struam aram thimiamatis ad olendi in odorem suauitatis.* 2. Iussit ibidem: *Deprecabitur Aaron super cornua eius aræ semel per annum in sanguine, quod oblatum est pro peccato.* Ita Magd. suam putrescentiam correxit per fragrantiam.

2. *Quin & iratum vt conciliaret dono hoc: Ceu Iacob è Mesopotamia redux fratrem Esau: Gen. 32. Placabo eum muneribus.* 3. Aut, quod esset, *Exo. 34. iussim: Non apparebis in conspectu meo vacuus.*

III. *Lacrymis cepit rigare pedes eius, quæ oculistot fascinarat, elata ceruice, fronteque impudica: nunc contraria omnia.* *Pfalm. 41. Vt ceruus defilerat ad fontes aquarum, telo saucius venenato, se fontiniicit, euomit stomachum, & moritur.*

Ita

Ita desiderat anima mea ad te, Deus, fontem viuum; hic se abiicit mortua pompis, peccatis, desiderijs: tantum in lacrymas uiuida & valens.

Verbo. Sicut Psalm. 134. *Educens nubes ab extremo mari falso euaporante, unde dulces de in aqua concresecunt, viles terræ; Ita ex falso Magd. mari euaporat dolor in dulces concresecens fletus.*

Epigram. Sic David, Psalm. 50. *Lauabo per singulas noctes lectum meum, lacr. meis stratum meum rigabo. &c. Vbi ex Hebræo Hieron. Natara faciam lectum pro abundantia.*

Logelliv. Loth, Genes. 19. Angelis, sui ex incendio euocatoribus, pedes lauit. Christo Magd. &c.

Utraq. Impletum in ea istud, Isa. 41. *Ponam deserta in stagna aquarum, & terram inuitam in riuos aquarum. Dominus hoc fecit, Psalm. 115. Qui conuertit petram in stagna aquarum, & rupem in fontes aquarum. Magd. fuit petra scandali.*

Oratori. Ideo paruit consilio Ieremiæ Thren. 1. *Deduc q. torrentem lacrymas per diem & noctem; non des tibi requiem, neque taceat pupilla oculi tui, cuius vox est q. tonitruum effringens cælos.*

Clamor fr. Tria sine voce clamant: 1. Sanguis: Gen. 4. *Ecce vox sanguinis fr. tui clamat ad me.* 2. Cor. Vt 1. Reg. 1. Anna silentio orans. David: *De profundis cl. ad te Do. Do. exa. vocem meam.* 3. Lacrymæ Ouid. 3. de Ponto

Interdum lacrymæ pondera vocis habent. Psalm. 125. Auribus percipe lacrymas meas. Ita Magd.

P A R S VI.

De causis & pretio lacrymarum.

Quatuor causa fletu. I. Causa lacrimarū princeps fuit sce-
rum memoria; bona omissa, & amissa; mala commerita; ideo Psalm. 118. *Exitus aquarum deduxerunt oculi mei; quia non custodierunt legem tuam. Itaque Magd.*

erat, vt, Ioa. 16. *Mulier cū parit, tristitiā habet.*

2. Memoria bonorū perditorum tempore tanto; quibus par nec questus, nec vlla iactura. 3. Memoria læsi Deitam boni, angelorum, cœlitumque læsorū. Hinc Luc. 15. *prodigus ait: Peccaui in cœlum, & in te.* 4. Agnitio miseriarum suarum ex peccato manantium. Sic Esau ob omissa primogenita disercuciabatur, Gen. 27.

Elias, 3. Reg. 18. aquæ urnas 4. in victimam effudit, & ignis emicuit vorator vi. 4. *Urnæ a quarum.* Etimæ. Istud quadrifaria fuit ista consideratio Magdalena. Capaces sunt urnæ 4. Metus iudicij: pudor culpæ: dolor amissi boni: horror pœnæ.

Michas Sacerdos Ephrataeus ciulatus suis discurrens exciuit latrones, causam sciscitantes: quibus iratus ait: Iud. 17. *Deum: Deos meos, quos ego feci mihi, tulisti; & quæritis quid ploras? Magd. plorat amissum Numen verum; non vanum vt ille. Ideo Psalm. 41. Euerunt mihi lacrymæ meæ panes die ac nocte, dum dicitur mihi quotidie: Vbi est Deus tuus?*

Dauid, virique secum, spoliata per ab-
sentiam Siceleg. 1. Reg. 30. *planxerunt, donec non esset in eis robur ad ascendendum. lic & LXX. At huic ciuitatem Dei incenderant latrunculi, animam, & spoliarant: Non fletet?*

II. Matth. 27. *Petrus egressus fleuit amare: In gaudio at hæc ingressa in epulas, & gaudia, in- que publicum, etiam lauit pedes lacrymis.*

Obseruauit iussu Num. 26. vt in om-
ni, quantacumque solemnitate, hircus of-
ferretur pro peccato. Sic vel inter mulicam, læticias, epulas, &c. tacite gemit pœnitens.

Beata pœnitentia; quam dolorosa, tã
& gaudiosa es! Sunt eæ gaudij lacrymæ:
1. Sic Esau Iacobo obuius Gen. 33. *Amplexatus est eum, stringensque collum eius, &*

Kkkk oscu-

osculans fleuit præ gaudio. 2. Ita Ioseph visis in terra aliena fratribus secessit, fleuit ex gaudio. Gen. 42. 3. Eius item pater, Genes. 46. Irruit super collum eius, & inter amplexus fleuit ex gaudio. 4. Ita Tobias c. 11. filium suscipiens osculatus est eum cum vxore sua; & ceperunt ambo flere præ gaudio.

Amoris
fletus.

Amoris quoque sunt testes lacrymæ fideles amicitia; ait Cic. de Amic. Ioan. 11. Ecce, quomodo diligebat eum. Idem Domino loquebantur lacrymæ Magd. Ideo ipse; Remittantur ei p. multa: quoniam dilexit multum.

Vita fletus.

His immersa lacrymis Magd. femimortua q. reuixit: Sicut in fontem Epiri faces ardentes merfæ extinguuntur: accenduntur extinctæ si mergantur.

Fletus tri-
cennalis.

III. Den. 21. Puella capta bello externa prius mense toto parentes amissos plorabat, quam daretur nuptui. Magd. amissum Deum patrem peccatis suis luxit annis 30. 2. Iephtes filia, Iud. 11. bimestri planxit virginitatem suam cū coauiis: Magd. suam fœditatem 30. annis in deserto. 3. Mortis reus nullus ita se deplorat; vt Magd.

Lacryma
debetur
Deo.

Tanti sunt lacrymæ piæ, vt soli Deo debeantur: Ideo Dauid, 1. Par. 14. hostium fugatorum idola cremauit: quia, ait Aug. lib. quest. iis suspiria & lacrymæ fuissent oblata. O quot mundi sunt idola, quibus lacrymæ fiunt; & vanissimæ!

Arma pec-
cati sunt
penitentia.

IV. Et capillis tergebat. Bello victi victoribus proni arma offerunt dediticij. Sic Pugnatrix diu peccatrix victa Deo cedit, offertque capillos, oculos, collum erectum, vestes, vnguenta, &c. 1. Raab, teste Lyrano in 2. Ios. fuerat coccineo funiculo in domum hospites pertrahere. Dein qui fuerat peccandi funis, fuit liberationi Iosuanis, & sibi salutis. Ita Magd. 2. Rom. 6. Sicut exhibuistis membra vestra seruire immunditiæ, & iniquitati ad iniquitatem, ita nunc exhibete membra vestra seruire iustitiæ

ad sanctificationem. Ita, quod fuit morti, est & salutis. 3. Num. 21. Serpentes igniti in deserto mortiferæ erant: æneus erectus salutifer. 4. Philisthai, 1. Reg. 6. ob retentam male Arcam ad anos puniebantur, & muribus agrorum vastatoribus: Ergo anos aureos, muresque factos offerunt, cessantque plagæ. 5. Israelitæ, Exod. 32. in aures, armillas contulerant ad vitulum conflatilem: post eadem ad tabernaculi fabricam offerunt. sic Magd. quibus peccatar, iisdem & pœnitebat. Imitanda nobis.

IN FESTO S. MARIE Magdalena.

Ecce mulier, quæ erat in ciuitate peccatrix. Luc. 7.

Regina Saba, 2. Paral. 9. Salomonica sapientiæ fama excita, eam auditura venit cum donis auri aromatatumque plurimis. Cui Rex multo maiora reddidit. Ita peccatrix præcipua venit ad pedes Domini cum vnguentis officiosa; abit remunerata maioribus donis gratiarum.

Nos super hisce

- I. Maturandam esse Penitentiam.
- II. Qualis hac peccatrix fuerit, & penitens.
- III. Qualis eiusdem penitentia.
- IV. De lacrymis Magdalena.
- V. De capillis eiusdem.

PARS I.

Maturandam esse penitentiam.

I. **A**liis in negotiis omnibus festina len. 1. Fuga ex
te! ad penitentiam vero deprope- Egypto.
ra. Ex Figuris id condiscito. 1. Israeli-
tæ tanta celeritate Aegypto excefferunt,
vt